



晉天忠憤全集

和16
428
1



和 16
籍 928
卷 1-12

是 集 恭 錄 二 字 題 名
上 諭 忠 憤



普天忠憤

明治三十九年三月二日
野口多成氏寄

光緒戊戌年中秋後
重校仿泰西活石印

普天忠憤集自敘

自來世有大變則有大才應運以極致於其間然此大才者必有忠亮不欺之誠而又有發憤為雄之氣然後能戮力致身得以登四海於衽席乃自倭人作難大才不出忠憤銷沈馴至潰敗而不可收拾於是或則憂憤而上封章或則感憤而行議論又或則蓄其孤憤而形之於詠歌無非憤也即無非忠也今夏和議既成余因採集普天忠憤一書貴自士大夫而賤至布衣以及泰西洋士紳閭名媛凡其緒論有關時局者輒錄之書既成求吾師慶蘭園先生序其緣起先生曰子以忠憤集成忠憤之編凡練兵籌餉防海策邊與利除弊諸政要無不畢具當此主憂臣辱之餘正我華發憤為雄之日此編一出使讀之者因恥生憤因憤生勵秉其公忠群思補救挽既倒之狂瀾撐天下之全局傷羹吹離亡羊補牢胥在是矣但子之所集限於目前曷不廣為搜羅以成一代龜鑑越月而先生物故余乃追惟師說博采成編計共得十有四卷標分三門首章奏凡呈懇代奏者附之次議論凡上書及書劄附之三詩賦凡贈答之作附之客有讀竟而咋舌者謂此編杜牧罪言多觸時忌不知不憤不啟聖人所譏此編果觸時忌乎則忌之者誠憤甚矣正可啟之以作忠之路也而此編之收效不尤捷哉憤筆憤書此亦忠悃之所不能自己云

光緒二十一年歲乙未秋九月曲阜庄客魯陽生自敘



浙西歸安諸生於汝庸敬錄

普天忠憤全集序

詩云普天之下莫非王土率土之濱莫非王臣夫既莫非臣則臣各有心非君論爵而大小之也去夏倭為不道擾我藩服蕩我邊陲我師一敗於東溝再敗於平壤三敗於旅順而鴨綠紅一帶金鳳海蓋相繼淪陷於是要盟求成種種挾制割地索賂肆所欲為普天公憤而無可如何也門下魯陽生血誠橫直蒿目時艱爰集四海十年來諸名流憂世之作內自公卿外而夷狄微如布衣隱及閨秀均各抒其忠憤發諸危言彙成全篇為世龜鑑而質之於余余維前明一代忠臣不可更僕數而熟傳於世者僅方孝孺深慮論楊繼盛諫馬市劾嚴嵩二疏宣潛德幽光之終闕乎抑亦無留心大計者為之傳於時耳我

朝

聖聖繼承人文蔚起四海之士莫不摭其誠悃思補

聖明愈以知天命之常存而人心之未去也余老兵昨自熱河奉

命鎮關過

先帝文宗行在涕淚歎歎回思昔日

乘輿播遷而猶啟中興盛軌皆賴忠臣義士發憤自立轉弱為強及來閩省道出馬江父老為予言當日法夷構釁都人士死事尤多卒殲其主帥孤援報復深仇萬國震動

善天忠憤集

則皆激發於忠憤者深也今和約已定所望上自

廊廟名臣下及草茅多士閱是集者均能圖其所難勿忽其所易網繆未雨時以雲恥為
心才智者見之於行氣節者見之於言從此守在四彝弭兵爭而銷邊釁則是集之
大有造於世變也豈淺鮮哉是為序

光緒二十一年六月天貺日 長白慶裕蘭圃病起書於節署

蒲圻鄧士林欽舫敬書

普天忠憤集敘

易窮則變、而通、則久此不易之論也嘗按此意以時
衡時事而知之在惟魯陽生魯陽生在曲阜孔君廣
德蘭圃軍帥之高遠弟子如竊憤中丞一役和局創于古未有
之奇同擊心傷身難為魯陽生而以在迴文反日之心博采時流
章奏議論訪賦彙為一編名之曰普天忠憤以質之師蘭帥蘭
帥若以舊再披羅十餘年前事凡有裨國是在亦當代龜鑑
遂又旁徵遠引輯為成書、成請敘於予、為治國之道如治病
焉七年之病必求三年之艾苟為不善終身不保方今時變
皮局中人所扼腕太息而言可如何在魯陽生以局外之人獨

能深知至受病之源集法家彭陳富國強兵擴外安內為大計以柔之以視局中人知而不能言、而不能用、而不能為如醫在視病也無術焉以起至沈疴而培其命脉其愧憤又當何如也恭讀

上諭有當此痛鉅創深之日正我君臣臥薪嘗膽之時二語大哉

王言凡我普天臣庶遭此非常變局憂憤同心正可變通隱忍以圖久大不泥古而信今力變從前種種積弊之與勳焉又何難雪首大恥况以天下之大人民之眾掃刀之存且博而徒株守成術不能當憤為天下雄使

彼族不敢說此魯陽生行為憤、而不能已也故以其振憤證法當伏公憤且合信海內外之羞憤義憤激而成忠憤一書豈漫欲洩私憤於一旦哉夫六望我局中人者任天下責在由此憤思愧、思奮、思勇而確指以公而忘私國而忘家之一心則泥注而流於弱復即轉為強矣在吾夏之一成而不可變也視之所以變易在何如耳不然謀人軍國一誤再誤苟且因循不思變計實之普天忠憤其積怒而不能平在當不容於普天之下矣魯陽生以為何如

大清光緒二十有一年己未歲重九日南皮張之洞孝達敘

醫士劉左揮延輔氏敬書

普天忠憤敘

史家作史有三長焉曰才曰學曰識三者在缺一不可以
為史而法葛先生之教則曰學視才、視識是又以有
識而后學為有用、學才為濟度、才故當隆中高
臥昔其學至才末由表見也而澄觀天下、受道能心造
化手宇宙豫定時局於未造及三顧頻頻應命而出不
惜鞠躬盡瘁立千萬祀臣子、坊石以紹王業而承正
統蓋其識孕天下、先所謂天民、先覺也今魯陽
生以清粹之耀揮斥六極采集普天忠憤一書其才
學可以大秋毫以泰山吾不能觀其差數然其識可得而

言也其書標分三門如史家之名自為例 用函首先

恭錄

上論六道使人讀之油然而生其忠義之心有不忍不圖
所以報稱者乃進而讀之章奏再進而讀之議論靡
不闡繫時局可轉貧弱為富強於是念前車之覆
則怨憤俱作繼念一誤不容再誤則憤憤為雄之忠
悃益有不能自己者矣然則斯集之有造於吾夏
也殆不闕庸見天衢不出戶知天下歎雖博采旁搜
隨手摭拾才學無從採着然集眾恩廣忠益滋微
見遠亦頗不戾於武鄉也特恐憤然以興無優游

漸漬之理以永之忠或有时而竭况以詩彙行之俾雍容
愉揚所以感發其善心懲創其逸志則可大之業可久為
難魯陽生故采詩賦為此書殿類皆傷時感事之作呼
天斫地以不平鳴在維慷慨悲歌未免激烈然小足怨讟
而不亂蓋其性之所固然也一長言詠歎間起血所
灑使人之氣也消而懦夫不振之氣以振况血性偉丈
夫耶此集斯集之物識也而有用之學濟世之才
亦於此見一斑焉則謂史家之長未嘗缺一可也夫
忠憤之良人所自具普天率土義不容辭太史公謂
前子不忘為後師今取斯集讀之前子可鑒後事可為

治天下猶運、掌但使為人臣于在願時局念遭逢以
力助天下為已任相與拯救皆艱為青史第一流人物則
忠憤、可成在大而斯集、可鼓舞而興起在豈微
也哉

大清光緒二十有一年中秋日科爾沁果爾敏杏岑敘

醫生劉左揮 廷輔氏敬書

普天忠憤全集

凡例十二則

曲阜魯陽生擬

- 一 是書名普天忠憤上自朝士大夫以至布衣女史旁及西人凡言有關時局注涉而道言者無罪聞者足戒乃敢登之於篇非有一毫私意若謂其有心慢世則殊負采輯吾心
- 一 是書原止采越南日本戰事因遵師命特取曾文正彭剛直疏有切時局者採列十三卷十四卷務使留心大計者有所取資
- 一 是書費三月心血旁搜博訪始克成書凡富國強兵之謀舍舊從新之政無不燦然具備非同書肆中委積陳腐言漫無棄取倉猝成編也
- 一 是書皆錄光緒年間事內有數詩及偷頭記采及咸豐時者因於今日時事可資印証者也
- 一 是書為救時計故皆采有益時事者末卷詩賦似覺無益然傷時憫亂之作讀之使人增長忠義之氣其益亦不小矣
- 一 是書采及西人論說者亦問官紳子之意也但非我臣民其所言或多過火語有觸忌諱者然局外閱觀俱能痛快我國之流弊誠能反而求之則亦與忠憤無異
- 一 是書除自家存稿及照他書采錄外餘皆遠近友人陸續寄來之稿隨到隨錄年月

先後故不及詳亦不必詳也

一 是書因付人抄錄書手多人故行字或有長短多寡之參差非有他故也且底抄錯訛甚多經諸君校訂數次想當無悞然抬頭處或有違式碍難更置諒之

一 當今秀才家及科甲中人大都徒工文墨除八股試帖經義史學而外一切時務經濟茫然不知有相知時務者又皆不精不詳倘購此一冊潛心參究亦可為當世有用才老子所謂不出戶知天下也再能加以閱歷其庶幾乎

一 是書僅就見聞所及者登之茫茫天壤豈乏傷心世變創為偉論欲解天下於倒懸者雖恨不能收之此集然此集已成各處又復紛紛寄稿故余又將有續集之刻敢告同志凡有章奏議論詩賦於時局有關繫者請即郵寄上海南畫錦里賜書堂

一 是書本為拯救時局起見故所采多為時下對證之樂非徒嬉笑怒罵遣我牢騷遂謂忠憤也參之

一 忠憤二字雖屬普天自具之良然不啻自 天命之也乙未四月十四日為烟臺互換和約之日恭讀 上諭有忠憤之言四字十七日 上諭又有忠義憤發果敢有為之語然則忠憤為 王言即為生人血性恰好為斯集一箇大題目

恭錄

上諭六道

光緒二十年七月初一日欽奉

上諭朝鮮為我大清藩屬二百餘年歲修職貢為中外所共知近數十年該國時多內亂朝廷字小為懷疊次派兵前往勘定並派員駐紮該國都城隨時保護本年四月間朝鮮又有土匪聚眾謀害王儲兵燹情詞迫切當即諭令李鴻章撥兵赴援甫抵牙山匪徒星散乃倭人無故派兵突入漢城嗣又增兵為餘迫令朝鮮更改國政種種要挾難以理喻我朝撫綏藩服其國內政事向令自理日本與朝鮮立約係屬與國更無以重兵欺壓強令舉政之理各國公論皆以日本師出無名不合情理勒令撤兵和于商辦乃意悍然不顧迄無成說及更陸續公兵朝鮮百姓及中國商民口加驚擾是以添兵前往保護記行中途突有倭船多隻乘我不備在牙山口外海面開炮轟擊傷我運船交鋒情形殊非意料所及該國不遵條約不守公法任意鳴張專行詭計擊開自彼公論昭然用特布告天下俾曉然於朝廷辦理此事實已仁至義盡而倭人愈益肇釁無理已極勢難再予姑容著李鴻章嚴飭派出各軍迅速進剿厚集旌師陸續發進以極聲大震其並著沿江沿海各將軍督撫及統兵大臣整飭戎行遇有倭人輪船開入各口即行迎頭痛擊悉數殲除毋得稍有遲縮致干罪戾行此通諭知之欽此

九塔二十一年四月初一日

容旨新定和約條款劉坤一王文韶想皆知悉讓地而處賠款二萬萬兩皆萬難允行之事而後人恃其厚勝聖執非此不能罷兵設竟決裂則北犯遼瀋西犯京畿皆在意中

既而劉坤一王文韶聯銜覆奏決意聊顧目前力疾請從和議然則未可歸咎李鴻章一人也試看鴻章與日使伊藤博文往復辯論議和之款可知鴻章亦心苦矣故皆為章者當答之於海軍之債事不專答之於屈己以求和也

光緒二十一年四月十四日

硃諭近日和約定議廷臣更章論奏謂地不可割費不可償仍行廢約決戰以真維繫人心

支竹危局其言固出於忠憤而於朕辨理此事孰籌審處為不獲己之苦衷有未深悉者且夫歲費外開於徵兵調餉不遺餘力而皆非宿選兵非素練紛紛召集不殊烏合

以徵水陸交修與血

自意中之事海陽為

陵覆重地應師則

宗社攸關况三十年來

慈聞頗甚備極尊榮設使徒御有驚則乾躬何堪自問如天恩示警海軍成天若每防營

多破衝沒戰守更難措手是則百所旁皇臨朝痛哭將一和一戰而吾衣襟而後臨

定計且萬分為難情事言者章奏所未及詳而天下臣民所當共諒者也茲批准定約

特將先後辦理緣由明白宣示嗣後我君臣上下唯期堅苦一心痛除積弊於練兵籌

餉兩夫端實力研求亟籌興革毋稍懈志毋務虛名毋忽差國母召積務期事審核

實痛戒具文以收自強之效於內外諸臣實有厚望焉此

恭讀

上諭實力研求亟籌興革至痛戒具文等語即可為我自強之計當今之世能以

皇上之心為心者幾人哉令人不得不思張之洞奏擬實學東術劉永福等請議元春

于餘霖於不置也

光緒二十一年四月十七日

皇上特召六部九卿翰詹科道至內閣張之洞拱立向外宣言曰育

皇

皇

皇

皇

皇

皇

皇

世有內外朋比勾串外夷及節制無方望風驚潰者則無不拂然怒詳其為曰某某

國事無任厚澤於此庶著神亦足見立進之公可以符乎三代無素吏治大振上
下相親百爾臣工非奸私貪鄙即苟且利權求一公而忘私國而忘家力圖所以報
稱者恒難其人焉因敬登

上諭六道於前頌愚讀之則潛然泣下思肩軍國民社之任者具有未良可以敬發當亦
始讀之而悲繼讀之而憤再三讀之而忠義之氣勃然生矣主要臣辱主辱盡死今
日之辱何如而忍忘之乎今於張羅澄劍映錄中錄其跪志之語願各讀勵圖新及
早晚回大局不勝哀痛迫切呼籲祈禱之至
市月臣魯陽生跪志

普天忠憤全集總目錄

曲阜魯陽生孔氏編定 漢軍寶 璋莪臣 太倉鮑文蔚贊參
蒲圻覃廷楨蔭堂分校 夔州程正學文先參校

開首恭錄

黃岡林郁鈞可廷 蒲圻鍾人梓樹梧

上諭六道

次列

孔氏自序一篇

張香帥序一篇

慶將軍序一篇

果將軍序一篇

凡例十二則

卷一章奏門

章奏五篇

卷二

章奏十篇

漢軍寶 璋莪臣

太倉鮑文蔚贊參

蒲圻覃廷楨蔭堂分校

夔州程正學文先參校

黃岡林郁鈞可廷

蒲圻鍾人梓樹梧

卷十一 詩賦門

詩八十首

卷十二 詞頌附內

詩一百四十首

卷三

章奏十四篇

卷四

議論十五篇

卷五

議論二十四篇

卷六

議論十篇

卷七

議論十篇

卷八

議論八篇

卷九

議論十八篇

卷十

議論十四篇

普天忠憤全集目錄

卷一

敬陳海防疏

強隣窺伺疏

劾使臣疏

劾大臣玩寇疏

乞總署代奏疏

卷二

上別嬖疏

附論鎗炮片

條呈時事疏

善後事宜疏

請修鐵路疏

整飭厘金疏

請代奏時務

自強切要疏

頌一篇

賦一篇

詞七闕

集外詩六首

卷十三集

增采章奏十八篇

卷十四集

增采章奏十四篇

以下兩卷乃書成後復遵師命採入故未刊布

李元度

薛福成

張之洞

潘灼年

劉永福

徐桐

徐桐

張百熙

陳熾

準良

易俊

康有為

王之春

變法自強疏
參專權誤國疏

胡燏盆
翰林聯名

卷三

呈請代奏疏
勅疆臣跋扈疏
請代奏富強十策
請代奏以洋攻洋用兵十策
請代奏禦倭四策
再呈請禦炮疏
參督臣植黨疏
力爭和議電奏一
力爭和議電奏二
請節糜費疏
請罷和議疏
籌戰事六條疏
請代奏時事疏

吳昌言
安維峻
張羅澄
張秉銓
張秉銓
張秉銓
張之洞
張之洞
管廷獻
易順鼎
易順鼎
劉夔

卷四

射策第一

照覆法國文
張羅登書後

駱成驥

約章
以下十三篇俱照家藏楊廷印與坊刻小異

張之洞

邊防
利器
敵情
藩邦
商政
船政
礦政
利權一
利權二
利權三
利權四
變法

薛福成
薛福成
薛福成
薛福成
薛福成
薛福成
薛福成
薛福成
薛福成
薛福成
薛福成
薛福成
薛福成
薛福成

樂夷制勝萬言策

卷五

應變須才論

讀應變須才論書後

致劉淵亭軍門書

時務瑣談

鎗炮 機器

鐵路 內政

籌餉 黃河

諭黑旗將士檄

解散脅從示

致敵酋書

責債和款議

建局製造便易

鑄大炮

造船政

張東銓

張羅澄

祝華封

張羅澄

張羅澄

劉永福

劉永福

劉永福

劉永福

吳昌言

何獻璋

海防

議院

遷都

訓練

海軍

製快鎗

採煤鐵

製火藥

天津船政

製炮碼

山東船政

南京船政

福建船政

廣東船政

牙山戰記

大東溝戰記

條陳防倭事宜

寬海述聞書後

無名氏

於汝庸

張羅澄

某太史

江文藻

余虎恩

田海籌

張之洞

張羅澄

王闓運

吳昌言

張耀

卷六

時務論

上軍機大臣書

上翁叔平尚書書

上劉峴帥書

致李傅相書

上李傅相書

致李傅相書

致李少荃書

致張香帥書

卷七

遠慮論

時事紀聞

述記樂倭策

平倭後議

洋禍論

論中國各稅輕出重入之弊

中國一文可富議

上總署救時利獎論

北洋海軍失利情形

馬江戰事大略情形

卷八

立信論

上張香帥書

上張香帥書

條東平倭事宜

上張香帥書

上張香帥書

致臺灣義軍書

上劉淵亭軍門書

卷九

上醇邸書

強學會敘

強學會規 此有關係故予存之

強學會後敘

沈恥芻言自敘

總署堂諭

沈恥芻言

開築鐵路

鼓鑄銀錢

整頓郵政

中西敦睦策

程銳

張羅澄

陳其元

張輿

張輿

蕭詩言

何獻璋

張東銓

張東銓

鄭炎運

張羅澄

劉錫爵

葉耀元

朱照

詹鏡清

張羅澄

王恕階

吳昌言

張之洞

公擬

康有為

蕭開泰

蕭開泰

殷之輅

殷之輅

殷之輅

殷之輅

殷之輅

殷之輅

譯漢納根論中國弊上

譯漢納根論中國弊下

操縱離合論

剛克論

上中朝政府書

偷頭記

偷頭記後書

卷十

論倭事為中國之福

論護鄂撫代奏

論海軍當廣人才

防海上

防海下

附錄日本議院論中國事

條陳陸戰五事

論中國易於富強

美國 林樂知

林樂知

林樂知

林樂知

美國 李佳白

徐時棟

張羅澄

黃慶蘭

錢康榮

余貽範

余貽範

余貽範

劍華

不知名

余貽範

論今日勿憂無財

西學宜設特科

經世緒言序文

吏治

答東方時問

東方時局問跋

卷十一

前海疆四首

戰廣東

戰江陰

戰天津

戰北京

後海疆六首

戰福州

戰基隆

戰澎湖

余貽範

余貽範

余貽範

英人 威妥瑪

魯陽生

李光漢

李光漢

戰鎮海

戰諒山

戰交趾

海藩五首

琉球

越南

高麗

緬甸

暹羅

燕臺雜感十二首

賀王朗青方伯凱旋作

賀馮萃帥凱作

詠火輪車呈吳中丞

題畫三闕

長城

志士行

李光漢

李光漢

張秉銓

張秉銓

張羅澄

張羅澄

何肇勳

李光漢

圓明園始末

贈張明達孝廉入都

和張幼亦太守原韻

甲午冬衛汝貴伏誅紀之

感事五首

聞和議定約感賦三首

感事四首

滬上感咏十二首

法越事平于役臺灣二首

潘陽雜感六首

邊外雜咏十二首

聞劉淵亭內渡

卷十二

雪夜吟二首

聞岑楚鄉方伯被議感賦五首

題樂夷制勝策

李光漢

張秉銓

張羅澄

胡培元

宋育仁

鄒增祜

蕭詩言

杜德興

吳曰晁

趙濬

趙濬

楊文藻

趙濬

張羅澄

易順鼎

感時

書感八首

章門感懷

諸將四首

羊城軍中二首

越南事平作

望治二首

相綺樓游仙詩五首

予台灣四首

海疆感事十首

有感二首

感事二首

送黃太守從軍

書感

聞劉淵亭內渡

贈張羅岷遠孝廉二首

陳仁泰

張恂

江忠源

趙澹

彭玉麟

張羅澄

李光漢

王閔運

陳季同

萬慎

曠清

張羅澄

宋育仁

楊文萃

楊文萃

廖映旭

登角山

哀臺灣四首

甲午津門四首

登角山

乙未元日和吳中丞韻

送張羅明遠從軍

從軍安南

讀張羅明遠詩和贈

東渡

感事四首

感咏輓轡體五首

復政頌送劉省三

哀遼東賦 仿哀江南

補遺

述異十首

聞臺事有感

何肇勳

張東銓

張東銓

張羅澄

張羅澄

林正本

吳曰晁

吳曰晁

陳仁泰

程銳

邱伯馨女史

張東銓

杜德興

張羅澄

夏錫時

寄懷劉淵亭

符天佑

昇平樓題壁十二首

吳昌言

口占二首

吳昌言

送別安曉峰侍御二首

某京官

感詠三首

瓦蘭芬女史

續橫岫閣詩

袁祖志

感詠和蘭芬三首

佩珊女史

將赴宋祝三宮保軍

王煥宗

和約定議集杜子美句

張羅澄

有懷張香帥集子美句

張羅澄

贈劉淵亭集子美句二首

危顯麟

送友人從軍

果爾敏

聞官軍捷音三首

果爾敏

有感三首

夏錫疇

感詠

何應祺

書憤

感事

德何崑山六首

徐維城

滄江感事集杜詩

張羅澄

集杜詩送友人瀋陽從軍

王煥宗

贈張羅孝廉集杜詩

張羅澄

感事有作二首

夏錫疇

馬江秋感西江秋

張景祁

基降秋感秋霽

張景祁

赴日本臣日下東作筵如此江上

吳昌言

贈宋祝三宮保滿江紅

吳昌言

有懷張朗帥滿江紅

張東銓

感事呈劉峴帥滿江紅

張東銓

送張羅孝廉入都百字令

吳昌言

卷十二集外詩

讀張羅孝廉時務策有懷三首

蕭侍言

紀韓日亂始末三首

張羅澄

集外詩跋
駭人聽聞書集外詩後

魯陽生
林正本

卷十三

預籌修約事宜疏
書修約事宜疏後
敬陳自強之計摺
請造小輪船片
加意籌備片
請籌費趕造輪片
會商海防事宜摺
密陳籌畫片
請飭照會通商各國片
海防善後事宜摺
力阻和議片
請接濟劉永福片
今昔情形不同摺

曾國藩
劉運熙
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟

海防管見摺

卷十四

慎約議 以下十三篇俱照家藏稿繕印與坊刻小異
聯與國
廣學校
精藝術
固邊宇
修船政
興礦利
防漏稅
強兵力
練民團
禁販奴
編教民

彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟
彭玉麟

論鴉片 紀文蔚書後

普天忠憤全集卷之一 奏門

曲阜魯陽生孔氏編定

漢軍寶 璋義臣

蒲圻覃廷楨蔭堂分校

黃岡林郁鈞可廷

太倉鮑文蔚贊參

夔州程正學文先參校

蒲圻鄧人梓樹梧

章奏門

敬陳海防疏

平江李元度次青

奏為敬陳海防事宜仰懇

飭議施行以張

國勢事竊惟時局艱難海防多

故幸仗

天威遠被鯨浪粗平舊得與民休息然正宜及時明政力圖奮發自強

縱外洋能永遠條約而籌兵籌餉之計總宜及早議行蓋戰守愈講而愈精才力愈

用而愈出合中國之物力人才斷無不敵外洋之理但宜未雨綢繆庶免臨渴掘井

臣不揣冒昧謹擬籌餉之策十等防之策十敬為

皇太后

皇上密陳之

籌餉之策一曰減漕運三代以上有貢道而無漕運尚貢餉程餉粟米不出百五里

外周禮九貢九賦未聞轉運國之粟以贍王畿也秦攻匈奴飛芻輓粟率三十鍾而

致一石漢高轉關東粟以給中都歲不過數十萬石武帝滅朝鮮擊匈奴轉運甚遠

率十餘鍾致一石是漕務因軍務而起未聞官俸民食概仰給於遐方也唐初漕運

歲不過二十萬石其後兵日多漕米亦日多袁耀卿劉晏所講求半為養兵計也宋
却汴京去江淮不遠勞費尚輕元行海運初止四萬石後至二百餘萬亦無甚勞費
自明始永樂九年會通河成運費海而用河時建都南京已四十年南人不喜麥食
也乃漕而米以贍北都開運河數千里引黃河以濟運勞民傷財幾竭天下之全力

聖朝龍興東土定鼎北京本係食麥之地仍沿明制歲漕南米四百萬石二百
四十餘年帑項之耗耗於漕與河者不可數計 列聖宵旰勤勞亦於此二端尤
甚其設官已有漕督有中軍副將以下各弁有漕標兵有各倉督糧道有倉場總督
有坐糧廳有巡糧御史又衛守備共四十人千總六千人運丁數十萬又運河設關
官四十一人關夫數千其給漕費也運丁各授屯田使耕每船給田千畝少亦數百
畝其船三年一小修五年一大修十年折造皆給例價頭船水手有工食家口有月
糧運丁有行糧又糧齋有月增有席費銀凡運米百石例給耗米五石銀十兩猶不
敷用於是州縣給以免費雍正初每船給銀二十兩嘉慶五年增至二百兩道光初
則七八百兩矣然運丁之疲苦如故也各衙有千總領運矣而漕督又歲委幫押官又
分為一人押重一人押空母者有糧道督押矣又別委丞倅為總運沿途有地方官
催運矣又有漕委河委督撫委自瓜州抵天津不下數百員愈多費愈廣一總運費
二三萬金一重運費二三千金一空運一催運費皆逾千金至淮安盤糧則有漕督

之弁兵通州上倉則有倉督之經紀而處費皆不費加以黃河口頭設官制船七百
五十艘山東官制船三百艘直隸官制船七百五十艘通州武清六州縣制船一百
餘艘及挑濟運河建刷築壩諸費通盤合算非四十金不能運米一石入京倉視秦
之三十鍾漢之十鍾古今一轍而米在京城每石不過值千餘文其餘皆成虛擲矣
此漕運之所以為無底之壑也道光初創行海運論者深以為便軍興以來河運不
行蠹弊不革除海運成效益著乃自海防不靖法人藉端故制聲言欲擱截海運米
船於是地國洋行領運之冬漕不免藉詞觀望洋報中屢及之現雖已定議約然此
說既萌恐海運終久不無阻滯或藉此為狡妄之端蓋諸國中倘有一國為梗勢即
不行不能不思慮預防也 聞窮則變變則通通則久古無五十年不變之法漢之
代田不行於唐唐之府兵不行於宋宋安在漕運必沿明制而習焉不察哉况漕之利
病在河河不治則漕不能治 國家經費以黃運兩河為漏卮而及無十年不決
之河故漕與河嘗受其弊今黃河北移天意既析河與漕為二猶不思解紐而更
張之非計之得也應請 飭部核議改章除直隸之通州天津二所山東之濟甯
東昌臨清任城德州五衛濮州東平二所皆密邇京畿無虞阻隔照常運米徑解通
倉計共六十五萬三千二百二十九石外其餘江南十九衛江西三衛七所浙江四
衛一所湖廣十一衛歲額三百三十餘萬石并隨漕耗米概行折色照現定折價每

石一兩四錢或酌加數錢共折銀五六百萬責成各糧道征收解部由倉場總督酌設招商局奏定價時陸續採買麥石仍儲京倉凡官俸民食願領銀者按照折價給銀京東運米海船多往淮南中一開都城需米必自源而來自購亦易其願領麥者每米一石給麥一石二三斗以價值相準為度其萬不能不需米者尚有六十餘萬石以給之俟十年後官民交便則直東漕運可一律改折屆時的議施行如此一轉移間倉庫民食俱無所損而裁員弁汰標兵罷運船免丁夫者接濟所省者歲約數百萬以之撥充海防經費造船鑄炮練兵可以實力講求矣或謂民實為國之根本成法未容輕變不知此正為根本起見也以養命之源仰給於數千里外使外人得持其短長設一旦驟被阻隔人心必至惶然曷若就地籌倉不假外求之為脚踏實地乎夫由人食米其食麥定於天亦定於地也南人既居北地則易米以麥自亦無難况米不難購乎查湖廣江南漕米久經折色現惟各採數萬石搭運赴津此外惟滬及江甯四府之米百三十餘萬石江安糧道之十萬石而已然則因勢而利導之概行折色實亦非創舉也如蒙採擇議行則因而及者可進籌矣

一曰辦屯因漕法既改則兩江兩湖浙江共三十七衛八所請照湖內三廳屯田章程改衛守備為屯守備衛千總為屯千總其運丁改為屯田郎認耕所受之屯田屯租照入官地畝勸報義租例責成該管知府各按原冊清查頃畝實數報部毋許冒

吏上于其手編造者罪之盜賣私典者嚴追復舊大約每畝收租一石折銀五錢或完納錢糧為重較民間租課則輕此項折價解各糧道收聽候部撥以拱海防經費計兩江兩湖浙江各衛所共船五千餘艘以每船千畝計之應有四五十萬畝收租一石折銀五錢歲可得銀二百五十萬其通州武清寶坻香河東安永清六州縣舊設剝船六百餘艘每船給地十頃共六千餘頃均請免其剝運改為屯田每頃收麥租一百石歲可收麥六萬石徑解通倉以助支放又每船做給水脚銀十兩歲需六千餘兩今亦可省此外黃河口之官剝船山東湖河內外官民剝船直隸官剝船凡曾給地畝者均照麥租章程辦理是改漕法即以此屯田歲入不無小補也

一曰裁員弁漕運既停則漕督自可不設其直隸之二所山東之二所五衛有順天府戶山東巡撫可以兼理漕標自中軍副將以下計參將一人游擊一人都司二人守備三人千總十二人把總十三人除鹽城海州東台三營均兼城守應酌留改歸鎮標外餘皆可裁裁者俸原兵餉及各衙門衙役工食銀約數十萬又運河免挑濟設河湖官湖夫縱不全撤亦可裁改大半此因改漕法而議節之尤費也此外則凡與總督同城之巡撫亦皆可省查總督巡撫均時自前明因事設官事定則罷中葉始為定額我 國朝因之派督撫多不並設如甘陝川湖總督所轄亦時有分合直隸初設巡撫後改總督浙江曾設總督後改巡撫甘肅舊有巡撫後以總督兼之皆

因時制宜之道也第督撫懼位相埒和衷固不乏人而同城者議論意見每多不協
同一事也或此是而彼非同一人也或此好而彼惡兩姑之間難為婦道廣吏幾無
所適從應請 旨飭議將同城之湖北廣東雲南三巡撫裁併而各以總督兼之以
一事權其福建巡撫則應專駐台灣計楚粵滇三撫標官弁丁歲可節省廉俸兵餉
從食銀數十萬聽候指撥而所裁之員弁仍改隸他標以原官候補亦不至偏枯或
謂督撫相資成法未可輕議則請開直隸四川何獨有督而無撫山東山西河南何
獨有撫而無督况南河近裁總督新強近增巡撫奉天亦增設督撫沿革因時未容
拘泥倘許增而不許減恐後亦難為繼矣

一曰重農政言京東水利者多矣雍正中發帑百萬遣重臣大治營田踵而行之非
一次著書言農田水利者不一家然皆無大成非法不可行也南方宜稻北方宜
麥而請興水利欲藉以寬東南之輸輓則必強種麥之地以種稻無論非土之宜亦
非人之所習且種稻之難較種麥數倍必強人以所難何怪勸之而不動况有麥可
食即與穀米無殊何必定需輪輓今漕運既試就地採麥自當廣開其源以重根本
應請 簡派勸農大臣巡察畿輔會同各疆吏督勸種麥毋或失時州縣以是為考
成倉儲以是為水路麥以冬雪為命不甚資而澤故不必圖興水利而但除水害足
矣何謂水害田間之溝洫不深通水無去路一遇零潦偏地汪洋安有秋成之望是

必正其經界深其溝道毋怠耘耨之力毋失栽種之時斷麥粟不可勝食矣至本棉
之利乾隆中直隸督臣方觀承曾實力講求今亦宜出示勸種以興織維之利織維
宜用機器巧技異常事畢而功倍由此推之各省宜設機房如織絨則設於直隸以
就其地之棉花皆參用機器獲利較豐此亦開源之一端也總之德情農則耕者自
奮禁游女則織者自勤實為根本之計耳

一曰整淮網天下產鹽之地九而課額以淮鹽為最多淮南歲額一百三十九萬五
千餘引課銀五百八十餘萬內分皖西鄂湘四岸認運之引已數原額鄂岸現懸十
五萬引咸豐初賊踞江南楚督奏明借運川鹽以濟民食仍聲明事定歸還引地以
符定制江甯既復曾國藩沈葆楨迭請查照原議禁川復淮節奉 諭旨停止川

鹽行楚部議森嚴而川楚督臣先後奏請展緩楚省以川產濟餉為解川者以黔滇
未靖鹽無銷路為辭遂成久假不歸之勢曾國藩不得已疏請暫將湖北之荊州襄
陽安陸宜昌施南荊門五府一州湖南澧州一州借行川鹽日後仍遵定制收回引
地又議於五府二州就地設局配銷淮鹽以為收復張本然川鹽價賤淮鹽價昂運
商卒無肯往配銷者其川私廣既佔引地而所完之釐又歲止一百四五十萬串合
銀不及九十萬兩較淮課不及一半於是沈葆楨奏明運商自願自完鄂釐劉坤一
奉稱鄂省果以引地歸淮願自完緒八年起鄂省每年應解部款請減去九十萬兩

改撥而准其時丁寶楨奏明川鹽可以停止濟楚鄂餉又已有而鄂省仍格未行於
是川鹽不特估銷湖北之五府一州湖南之澧州并武漢黃德及岳常各屬川私亦
充斥矣湖查道光十九年林則徐督楚時曾奉稱果使川課與淮課相等則均之有
益於帑項日亦何飛吟城過分今以課則較之川鹽每包一百三十五斤在大甯雲
陽等處僅納銀六分八釐一毫即最重之提為每包亦止一錢三分四釐若准鹽
一百三十五斤即該納銀一兩三四錢比川課加重十數倍是准鹽銷得一分幾足
抵川鹽二十分之課川鹽侵越一分即准鹽蝕銷一分等語然則禁川復准之議早
行一年即多得十數倍之課司計者不能坐受其弊矣近年川省奏定章程每引一
一張配鹽五十包連皮重一萬一千二百斤以准鹽每引連皮六百八十八斤計之
川鹽每月酌定七百引冀川減一分使准得進一分以期漸復舊制不知輕重懸殊
即七百引已抵准鹽一萬一千四百九十餘引合計一年已估銷十三萬七千餘引
矣尚云減乎况偷漏飛洒之數更莫可究詰乎夫往者不可諫矣當此軍餉緊急之
秋坐令准網有著之課盈千累萬盡歸中飽豈不惜哉應請仍遵禁川復准 諭
旨如上屆之停捐上年之決戰不咨屢議 特旨飭行責成兩江督臣派員派兵
堅扼宜昌府屬之平善壩以杜川私來路責成楚省官吏實力查禁如有陽奉陰違
以私廢公者罪之凡楚岸五府二州引地一概收回如果解私認真歲可增准課及

鹽場錢糧銀二百萬其鄂岸尚懸十五萬引計三百崇將來照章募商認運可得報
效銀三百萬即酌減亦不下二百萬為益多矣至宜昌所屬之鶴峯長樂向食川鹽
請仍照林則徐奏定章程專配大甯一場之鹽不准遠配擬為場鹽以杜影射浸灌
或慮川販失業滋事是為遁詞夫兩淮灶丁數十萬引地被估銷路日感窮苦無聊
尚不慮其滋事川販獲利已三十年尚何滋事哉再查鄂省近年除川私外又被
浙私侵佔名曰私私由甯波夾底船運來借外國旗號關關而進莫敢過問此種無
稅私鹽每斤價不過四十五文較川私尤賤應請 飭總理衙門鑾叙前由照會各
國勿以旗號借給民船仍責成沿江關道監卡認真查緝如火帶私縱有旗號仍
照例懲辦諒外國亦無異言而盛私庶可杜矣
一曰改鈔法咸豐初年嘗行鈔矣而卒無成者非鈔不可行所以行之者未善也
凡鈔皆用以準銀而不執以發銀前次行鈔各省立官局以備按鈔發銀此必窮之
道也何怪其不行哉今請 飭部造鈔計銀二十萬兩分兩年造完著為定額以
後不得再添則溢其銀數則每百兩編一字號仍照舊章五十兩一張十兩二張五
兩四張一兩十張餘照此而推自奉文之日起凡出疑進款概令搭鈔三成凡地丁
漕折關稅鹽課釐金捐款等項均按成搭解行至三年後遇有解銀而不搭鈔者以
違例論部庫關庫司道庫均駁回不收務使鈔與實銀並重且將過之不存有折水

等事惟有外洋交涉之致搭否聽其自願并不相強其外洋應交中國之款仍令搭
 交三成如此則鈔法行矣滿十二年後鈔紙漸微即照原字號另造新鈔兌換亦不
 必另起爐灶但於收鈔到庫日如數驗換原鈔注銷備案外省則由司道關庫驗換
 後將原鈔解部備查請即令錢法堂兼管鈔法堂事務不以鈔為權宜之計而以鈔
 為制用之經雖日後幣項至足錢乃與銀相輔而行搭用如故蓋鈔有定額則無充
 溢之虞出進搭成則無畸重畸輕之弊鈔時可以換新換微復無頓費則用者毫無
 疑慮得此二十萬巨款流通於官民上下無減無增自足資周轉而為力亦舒此目
 前之急務也或謂既無銀發則空券身慮難取信於人不知銀錢饑不可食寒不可
 衣不過應用而已鈔既可以通用而又出律進一有輕齎之便無耗折之虞亦何憚
 而不受鈔哉查湖北糧台自成豐中搭用台票至今需用常有巨款在外藉得騰挪
 倘妥議鈔草盡杜流弊而又堅如金石信如四時其可行也決矣

一曰招鼓鑄近年市面蕭條錢商歇業良由軍興以來久停鼓鑄而私銷者復多遂
 至錢日艱貴聞官中鑄錢一串須工本一串三百餘文無怪其絀於財力也今請用
 招商鼓鑄之法查銅出滇中鉛出黔省設局鼓鑄必銅鉛兩便而後可以開爐必水
 路通行而後可以轉運惟四川瀘州為滇銅黔鉛匯萃之地京銅京鉛由此起運居
 宋時嘗開鑄於此誠以銅鉛便則資本少而餘利自豐也自各省停鑄而銅鉛均無

銷路同右初擬擬張亮基以軍餉無出奏請開局仁懷應招高鼓鑄設局在案以是
 匪充其委員不得其人致無成效今請查照原案 飭下四川督臣張煦督撫臣
 蘭局於瀘州招商鼓鑄多集股分官為原料或逕由官辦遠委康路大員總理凡雲
 南昭通東川之銅貴州威寧之鉛皆可由水路抵瀘而宣威楚雄等處之廠及遵義
 仁懷舊有各廠均可一律開辦即蜀有洪雅榮經銅源亦此所謂嚴道銅山者也惟
 之陝西之甯夏各處均可開復舊廠均由水路至瀘是一舉而川滇黔皆分其利矣
 鑄錢既廣四遠流通高辦則核計所獲贏餘官抽釐稅官辦則以錢解充川黔各省
 之協餉較之鑄錢於京內成本輕便多矣但使錢文日多自見充給并不在抽釐之
 多少也

一曰開礦周禮尹人之職王闡採金玉外國有礦師能知五金之礦按法開採有
 機器以省人工近聞各國之礦開採盡見於中國礦產富有莫不垂涎因而潛生覬
 覷蓋中國地氣最厚向未發洩五金煤礦各省皆有且煉鉛可以得銀煉銀可以得
 金一則無所不有所謂地不愛寶也特以山多封禁不敢議開譬如家有窖金因粟
 不知取用而徒仰屋憂貧豈不固哉今宜專請礦師分途勘驗採試確有把握有把
 握即行開辦試辦之初當用人力既獲利益則購機器仍分官辦商辦兩種商辦由
 巡撫給與印帖令該商選集股分聯絡公正紳士如法開採地方官就近照料或酌

撥兵勇彈壓俟一年後出產既壯照章抽釐如有奸人藉開礦為名騙吞股分即行
重究官辦則全在委員得力不辭勞苦不貪小利毋任私人非虐視礦夫辦有成
效滿三年即行破格升推營私設公者罪之如此則地實出矣無論金銀也但使煤
鐵皆漸出其利已不可勝言蓋礦中有煤則必有鐵中國既設船炮局機器需鐵
甚多皆購之於英是以利界外人也今自開鐵礦則鐵炮造機器造鐵船造輪車鐵
路皆取諸官中且可售之西人以奪其利西人嘗言中國一省所產之煤可抵歐羅
巴一洲而有餘西人輪船東來所用之煤皆自遠運至一旦不給船即不行若中國
有煤則取資甚便西人所以每請中國開煤礦而不請開鐵礦也今我有煤鐵則出
口之價稍昂彼亦無如我何而我得收其利矣至五金之利則雲南產銅山東山西
產金而燕臺一帶尤旺四川產銀廣東水銀西人皆周歷其地繪圖誌說以告其國
必我能自行開辦庶幾不至生心也或謂礦稅為前明弊政安可效尤然彼以聚斂
為心任用閹宦此與自然之利期厚民生詎可因噎而廢食哉

一曰籌開應查乾隆中嘗因八旗人眾分撥拉林地方給田懇種甚享其利嘉慶壽
年吉林將軍富俊在奏於雙城堡設立中左右三七屯議移駐京旗三千戶每歲以二
百戶為率願移者十月報部次年正月治裝戶給治裝銀三十兩本旗津貼銀十五
兩中馬官給到七後每戶給屋四間皆官建自道光二年至五年共移駐二百戶

時懇熟之地已有三十餘萬畝會富俊卒官往者遂少其後尚書英和猶屢以為言
先時富俊屢請推其法於伯都訥圍場謂可懇地二十萬畝較雙城堡事半功倍
議以經費不足而止道光三年松筠繼為將軍亦請以開養給牧及大凌河馬廠皆
嘉慶十七年故所勘地也然亦未施行其實費小而益大近年俄人逼近瑯春則吉
林黑龍江伯都訥等處正宜大興屯政為募民實邊之計兼回藩籬又新疆庫車阿
克蘇烏什闐喀什噶爾葉爾羌伊拉里克塔爾沁等處舊辦屯墾道光未嘗
命林則徐親歷各城縱橫二萬里水利大興近更回亂屯務久應請查照原章
飭令新疆巡撫逐漸施行即以裁撤之勇裁汰之兵改而為農官購外國機器藉
水火二器之力更為事半功倍至浙江秦晉青豫滇黔自經寇亂田土多荒蕪未墾
請 飭令各督撫責成各守巡道詳查勘報出示勸諭附近殷實之戶分地承墾

三年後升科即作為墾王永業此殷實戶所樂從也墾地必資人力貧民得以傭工
取值荒年則用以代賑此又貧民所樂從也一家得利則一邑獲一邑得利則鄰
邑獲有人此有土有土此有財似不可以其近而忽之因其難而畏之也
一曰節糜費查光緒十年上海閩粵機器局三所支銀八十四萬有奇而各營所需
鎗械仍須別購未知各局所造究有若干是否可用應請責成經手各員每歲開明
通彙核實報銷以歸實用經云日者月試既原稱事所以為百工也又查是年出使

經費共用過一百萬六千有奇夫英俄共一使德法共一使美國一使日本一使而需費至百萬以外雖云外洋日用昂貴任大事者不憚小費然總督養廉銀多者不過萬八千兩使費未免過優應令節省以定經久之制節流與源並宜加意也又查關稅釐金例收制錢而關致之解庫又必以錢易銀是所收者錢所解者非錢錢難大而公家固未收其益也近聞洋人句通關吏及沿江釐局司事之人收買大錢每一串可易行錢一千四百文運以出洋銷作銅器仍運入中國以售厚值制錢所以日少此漏卮之一端也然其受甚秘禁過嚴難持之過迫慮生隙於外人惟有仰鑒飭部酌改章程嗣後海關及各處釐局完課概行錢每串補水及補底加收六十文正耗一同報解惟不收私鑄小錢抑或收銀兩如此則公項無損而私賣之弊可免矣

籌防之策

一曰立海軍長江既立水師矣大海安可無水師然海軍非長江比也江軍用長龍三板海軍用鐵甲兵船宜選威略夙著之將帥酌定營數招募閩粵甯波登萊沿海土人輕捷越健能入水二三時之久並能在水底用力運動者為工識風雲習沙線駕駛如飛者次之爬桅遠眺猶能放炮試械者次之其選勇也試之練習以察其神色試之放炮以觀其中否能洞湖水者入江水則能擊能洞江水者入海水則能此

此洞淡水者入鹹水則目不能開非自入至壯練習多年亦不能測深淺而定方向故須選之又選乃能精益求精至管駕官須洞悉測風防颶探石量星識別各國旗號辨認各口沙礁者方能勝任有缺須憑考補不得徇私受薦濫用一人應請簡派重臣總理海軍頒給勅印凡七省海防皆屬高查兩以海船為專家之學須先通又算法地輿諸學官為考校如涉海者則宜知船在經緯線若干度若干分及各處風信潮沙各國海口船新如遇大風雨則宜知如何趨向如何駕駛如何測驗風雨表度然後充副舵工閱歷有年再考校之然後升為正舵如果心靈手敏能操全船之權力則為船主今選管駕官宜仿照辦理水師學堂十年募足有一船之人即添一船有十船之人即添十船船不必求過高大堅利惟令輪流周歷外國各取印文回籍毋許安坐內江致滋惰壞尤宜設水師學堂擇人以充教習凡水師而神教砲衝撞諸法上海製造局設譯有操練兵船陣法書函粵天津均有學生宜令其教習講求沙線船砲各事宜設練船以習練之學生非由練船出身不許充兵船管駕官管駕缺出將練船學生考試補用如此十年教訓則人才輩出矣

二曰建帥府海疆凡七省自鴨綠江至越南之萬甯州昇海道一萬三千里北洋為首南洋為尾宜設海軍四鎮以資控馭真奉東三口為一鎮江浙長江為一鎮台灣為一鎮廣東為一鎮而總理海防之大臣則開府於台灣為七省門戶道里適中得

首尾相應之勢每鎮須鐵甲船三艘蚊子船四艘兵輪船與炮臺相表裏為直奉東一鎮為直營茶成海衛分屯全羅巨濟洋皮島成山衛等處而旅順口山海關天津大沽及登州之蓬萊田橫沙門各島江南之洋山五條沙竇山吳淞崇明等處為巡地而與台灣軍會哨於江浙交界之馬蹟山則北洋之防固矣江浙一鎮宜立營吳淞口外分屯鎮江狼山諸要隘亦會哨於馬蹟山其長江水師五鎮之長龍船請令酌改小輪船如法訓練有警協守海口連為一氣台灣一鎮既立帥府宜分屯澎湖鹿耳雞籠山各口外而以粵之澄海海豐廣澳鏡平閩之懸鐘銅山南日湄洲海壇烽火門福甯白犬五虎浙之南蘭環溫州松門巖南四澳則南洋定海普德慈惠岬山錢山等處為巡地而與廣東軍會哨於閩粵通中之南澳則南洋之防固矣廣東一鎮宜立營於虎門分屯朝陽海東江坪萬寧等處而以欽瓊雷廉惠潮崖儋萬等州碣石南洲甲子等鎮為巡地而會哨於南澳則南洋之國防矣至閩粵山東舊有之水師應請裁省而挑選其可用者以入海軍凡營官一月一操總理大臣一年兩操管駕官輪流游歷外洋各國以廣見聞似此全洋在握操縱自如無事則會哨有警則以電線徵調訓練既成儼然有虎豹在山之勢孰敢敗盟而生事哉或謂自古有海防無海戰其說非也不能戰即不能守又安用防為故必先定主而後不至虛糜也

一曰開台疆台灣在明曾為日本所踞荷蘭奪之鄭成功又奪之康熙中始入版圖其地一歲三收產繁盛可富可強日本蓋垂涎不已也沈寶楨開闢生番新設台北一府恒春淡水新竹宜蘭四縣以權任江督而去未竟其功其實生番之地可盡闢也法蘭西既嘗踞雞籠日本校焉思逞則台北實為必爭之地倘有疎虞七省不能安枕矣應請飭議令福建巡撫專駐台灣兼理學政其台北一律開闢高可得兩府八縣生聚教訓可為東南重鎮况海防大臣駐劄於此則聲勢尤振其軍中所需軍火炮械均從台設局置辦存儲不得仍前仰給福州致偶被劫海即有無絕之患也查日本距台甚近日本疆圍之大略如台灣高麗朝鮮以東能堪強自立元世祖遣舟十萬征之且為所敗明時入寇中原江浙遭其荼毒凡數十年近來併琉球朝鮮鮮改從西洋制度儼然自立於強國彼之財力要皆取之於本國耳非別有轉輸也而獨能游刃有餘若此然則台灣如果經理有人需以歲月何遠不如日月哉夫強弱無異民不善用之則弱用之則強應請簡任巡撫鎮道久任而責成之關土地課曲長秦征稅課修武備則七省之藩籬固矣夫開生番中有太古未伐之堅木可以造船生番樸野勇敢若以熟番為頭目可以練作陸兵豈非時務之至要者哉

一曰飭船政自閩滬各設船廠俟華人頗能造作機器充船主甚為有益近又購買德國之鐵甲船二艘據香港印報詳載尺寸極稱其善今者已啟輪前來宜仿其法或陸續添造尤當使華人亦能自造方為切實可靠查政戰之船有五曰鐵甲船曰蚊子船曰兵船曰轉輪船鐵甲船有宜於守者高大堅固者是也此外如木輪船魚雷船田鷄船皆戰守所必需然英人布拉斯云戰船除鐵甲以外小者為佳蓋以所費少而所造多又能利用故也近日英人新造根林船美國亦造新式船又皆以小船載石礮應請

飭船政大臣細心購求如式督造以收實效第華匠縱多巧思而限於聞見未能曲暢旁通一船甫就而西人已別出新奇遠勝舊製欲其相勝也為難矣今之計宜選上等華匠及出洋學生之聰穎者親赴德國船廠互參考證有能精通製造自出機杼者優給廩餼藝成返國即以幫理廠務使工匠之能否經費之多少燭照數計洞悉隱微庶幾無欺無濫來百工與柔遠人相表裡聖人固言之矣又宜許商民糾集同志自造小輪船往來外洋如絲茶則我運以往呢布則我運以來及至內地又以小輪船為之轉運如此則能使中國之利權漸歸諸中國矣

一曰造火器近日火攻利器以德人克鹿卜廠為最其小銅礮尤能制勝蓋礮體輕則易於運動礮體堅於經久如新礮子合腔則線路有準礮身長而有來復螺螄紋逼子出腔則命中而及遠所用開花彈皆煉雙層鐵體外裹四銅箍故他彈僅炸四餘片雙層彈可炸百數十片用藥不過十磅其力竟及十里之遙此陸軍利器也又有氣球小礮配用開花彈其式與抬鎗相仿放手則擊敵騎側上則擊氣球故有是名此水陸利器也田鷄礮可擊鐵艦在叢林泥城之中測量遠近向高放礮則子落船中炸裂傷人而有準後腔礮有螺螄可分兩節臨時用裝合皆水陸專攻之利器也洋鎗皆向用前膛自美國後膛鎗出各國效之未幾德之馬地尼英之士乃大法之查布布陣事而增德又新出後膛茅寒鎗美新出七響至三十四響後膛鎗每鐘一分可放五子

至二十二子遠及三百六十丈至八百丈總之鎗必須後膛而鎗之機器又須件數少而製造精乃易於修理火藥則德國之六角七釐為尤佳力猛而耐久彈子亦以雙層銅箍為最大藥口日精幸彼無機心肯出售於我然各省採辦軍火之樂亦遂叢生或委員勾通洋行加價散銷或外洋製造不及即以舊貨裝式混充或先定者出貨有期後定者加價遂以先定之貨騰與後定之人貽誤不小應請 飭駐劄各國之使臣親赴該國鎗礮廠詳考精詳按季將該國有無新出鎗礮及現在鎗礮子藥價值開單咨明總理衙門查核遇有應購之船炮鎗彈即照會該國由駐國之使臣面議價值隨時奏明而該國亦將賣買軍械若干價銀若干咨明總理衙門庶足以杜欺蒙雖然與其購自外洋不若自能製造如但仰給外洋一日有事局外諸國或藉詞公法不肯出購則尖所恃矣故宜立志購求延師監製務使在局者皆能製造方為腳踏實地至鑄炮之法凡五曰煉鐵鐵以奧產為上配以洋麻鐵白造模近來皆用沙模而以銅錫為模心曰置爐勿令稍有欹斜曰鑽炮頭炮身自轉而鑽鐵不轉乃能得力曰驗約約以選料為先而近日廣西之南甯太平潯州出有自然火藥較洋藥尤烈似宜加意經理防其透漏外洋以資敵也鑄炮宜於炮口或腰上正中之處立準頭以憑目測尺寸宜合美法砲腔宜用螺螄紋以破空氣阻力皆有成書宜細究者也再火器閣置日久則朽鑄隨之更宜責成該管

弁兵動息不離時加磨洗銹壞者重責庶不至耗巨款而可收實用也
 一曰修炮台今各要隘皆築有炮台而合法者尚少洋人多目笑之現惟廣東虎門
 新造之台衆稱堅固凡築台必須魚顧上下流敵船來則迎頭擊之過則從後擊之
 不宜用磚石宜用三合土紅毛泥厚必二丈以外方能當近時新炮西法有作饅頭形者曰
 圓炮台作弧形者曰尖炮台作磨盤形者曰旋炮台作偃月形者曰灣炮台作之字
 形者曰曲折炮台壘中宜作高大隔堆使敵炮不得通身橫擊炮位行列宜疏相去宜
 七八丈其大約倉上宜作太平蓋凡開花子打不通者謂之太平蓋其法用二寸厚之鐵板
 六層合作一層較一層二丈厚者為更固炮門宜外小而內大炮房宜前高而後低架宜
 露透基宜堅實頂宜覆全前交角上宜挖空以透烟旁宜分倉以儲藥前宜有垣宜
 堅厚邊有門宜隱藏後有徑宜曲折兩台之間宜疎炮房之後宜挖長溝繞之凡
 堡牆單薄之處宜加隔堆如被轟擊壞急用沙袋土包培之炮房火藥房均宜
 隔堆遮護凡低炮台宜用滑膛炮高炮台宜用大螺螄砲敵兵鎗台宜用捲筒子
 台之左右四方蓋水宜極足引火之物皆宜密藏囊沙宜袋綿宜鋪毡宜備壘糠
 袋宜埋伏地雷宜輔以得力之陸營凡放炮宜準算術以勾股密求遠近度數勿輕
 糜子為其大略也應由總理大臣督同各鎮詳加擊勘舊台不如法者易之太稀者
 補之不得地者增建之毋貪冒各修其地應修之台限十年以內修完果能建之

得地修之得法守之得人斯海防固矣

一曰塞船路西人著有海防新論專記從前南北花旗攻守之事據云無論何
 處要隘何種炮台若不阻塞船路斷不能使敵船不得越過緣每放後膛一炮裝
 藥下子對標至速需時四分炮能擊傷鐵甲船至遠為五百二十七丈船行之速每
 時四分可行三百五十餘丈我開第一炮後至第二炮彼船已行過炮台五百二十餘丈彼
 速而我遲也每船約炮十二門彼以一船攻台十二分時可轟二十四聲二十號船攻台可轟
 四百八十聲台中須有炮百二十門方能相敵是彼多而我少也則欲使彼破不得不先攔
 路攔船之法用沈物者曰籠石曰沈船曰釘橋曰浮橋凡水不甚深潮不甚大河底係蛤
 殼爛泥者宜之而釘橋尤妙與浮橋之法並詳本書用浮物者曰鐵鏈曰浮填曰木牌
 曰大繩浮填用長木九根排成三層以鐵釘釘之兩件為一隻十二隻為一幅法詳本書絕
 大七十圍纏以鐵絲用數鐵圈連於浮標相去二丈用大錨釘於總路之間大繩上再繫小
 繩多條共作兩三行每行相去十丈橫攔水道船過輒被捲輪軸而不能行凡水深潮大
 河底係活沙者宜之而絕為最妙若此者欲其攔淺以礙底震撼以壞機纏縛以停輪總之故
 甚矣受炮而已凡塞路有十要一宜使敵船撞之不能壞炮打不能損火不能燒二則積物
 太多流水能衝底力太過水道能改宜時體察水性三宜令水中亂草敗木及水塊等
 件仍能流過不至壅積四宜令潮水長落最高最低之時均能攔敵船五宜浮在水面

隨漲起伏凹凸而仍不減其堅固之性六當敵艦來衝時能做讓而灣後則其凹凸之力能推船離開七阻船物料安置於炮大能及之地以保護之八鐵甲兵輪其船尾及螺輪與舵之器皆最易受傷故阻塞路宜在炮台上流不甚遠之處敵船來攻則台上之炮可打其船尾九水路若長則上游宜多設幾重更為嚴密十須留缺口以便我船出入但必須預備堵塞缺口之物料既速且固則得矣至水雷為攻守利器厥有兩種一為不動之水雷利在守或連於木橋之上或置之木障之間或用錨定其方位使浮在水中其錨宜重宜用鐵鏈不用麻繩鏈之兩端宜用轉動之治節一為能動之水雷利在攻或浮在水面順水流下或用機器自行或於鐵甲船首下伸出長竿以置水雷或用魚雷船以放之燃放水雷有五法一用藥線引火一用強水發火一用電線發火然不如強水發火簡易而穩妥又磨而發火者更簡更穩并可為地雷之用又有更妙之法中用空氣腔令水雷有大浮力離船邊磨之亦即轟發其法並詳本書然此須候將戰前一月行之無事可不必辦以免糜費特等防者宜預講此法將海防新論諸書與弁勇共讀耳

一曰練土兵凡招兵勇以就地取才為便蓋風安水土則無疫癘之侵熟悉地勢則無迷誤之失自保地方則戰守必力取諸左近則招募易成且使饑饉之夫不至受餓而為敵用將來觀旋亦不必更等要掉之方即使遠徵宿將以資得力但令總統大員選帶為部中堪任分統及營官先鋒隊長委員之屬各得二三百人馳抵防所招募成軍而以土民為勇舊部為頭目如法訓練則以資既省起程尤速以萬人練新勇兵隨將轉壁壘一新有朝氣而無暮氣尚建功業者越南之役調將徵兵動輒數十百營遠在楚蜀從新另募非曠日持久不能到防而以資行糧已糜數十萬矣而又人地生疎不服水土沿途有騷擾之虞遣散有逗遛之意其得力未必過於土兵也今擬創立海軍其水勇固必用閩粵浙東之人即輔海軍之陸勇亦必用土但使將帥有方略選之精養之厚銜之輕教之勤又得輔將以領之不一一年即可練成勁旅矣至防護炮台之營則宜屯紮去砲台二三里之地務宜形勢曲折地止高低使彼測量無準前有抵波後有流泉有高阜大路可達砲台別徑可抵敵壘如此乃得地勢其結營則前築土牆高一丈二天下厚如之上八尺頂作覆竹形多留砲眼以潤土築之時時澆灌後挖水溝深二丈寬如之中為營房旁支棚帳如蚓曲如蛇盤路徑灣曲門戶寬舒每棚相去數丈以稀為貴內內備水器外掘陷坑多埋地雷上蓋泥土而立標以識之及接仗尤須隊伍最整正步法最齊我軍水戰當效西法陸戰則不宜效西法也天下惟散可以制整惟活可以勝板惟少可以破多是故彼以整我以散彼以板我以活彼以多我以少專重包抄接應不在衝鋒每隊相離五六丈每人相去四五步遠遠包裹彼進則我退彼退則我又進行宜曲折宜伏地立志與之相持數晝夜彼係大隊我則番休即此是以困之矣土人用

慣此法窺彼之伎倆此後亦不復畏彼矣

一曰結連交現在通約之國如英俄德美法日其情形各自不同英起基三島閩地五洲者先開入中國志在通商近已遂其所欲別無他意香港上海英國為首共事者惟法人又五市既定各國藉利益均沾之說坐享其成英人不無德色而未便明言然諸國咸至則利已分口岸愈增則利轉增而利轉薄觀於普法之戰俄土之戰英皆作壁上觀固不敢輕於用兵矣德國聯合小邦勵精圖治西與法鄰世為仇敵東與俄接虛與委蛇同治中曾被法都虜其國主取法之亞魯西土羅連等部固已扼其吭而制其命矣俄雖降心相從未免耽耽虎視德國地大物博足以制俄是以竭誠相與願敦睦誼觀鐵錫之案撤去公使而往購之砲船均堅固精良此實能助順且力能制法者也美以合眾為名在地球之北肯以開土疆為戒與中國情洽意孚一切以公法從事觀於咸豐八年立約第一條有調處相助等語所列公使答問之詞至誠動人觀其臣可以知其國現復繼還多收中國之款本息五十萬元可謂公而信矣俄國迴還三西之涉越二洲頗有窺伺中國之志而未敢輕發觀伊犁之役及與曾紀澤辦理情形亦尚無敗約用兵之意惟法人窮兵黷武志在振聲名不專權母子剽悍輕銳不能持久現在越南之役損折甚多糜費數千萬形見勢絀當亦廢

然返矣日本係東洋小國輕生敢戰前朝屢為邊患近年改從西法賽閱之亂國債如林猶敢窺臺灣併琉球其濶固可立符由此觀之德與美以誠信待我宜與力敦和好英人現無異心宜與修睦而不宜生釁俄近在朔方宜外與修和內嚴防守不可稍涉疎忽法人就款全賴朝廷赫怒一意主戰彼技已窮遂不能不知難而退從此他國當亦莫敢輕發矣夫秦以遠交近攻而得志諸葛亮討魏亦先和吳蓋必有心膂之交乃不受腹背之敵此時待德美宜格外加意不可絲毫不信於彼有事稍資贊助無事亦倚為聲援德能制法且與法仇尤可用間出奇離黨類而英俄當以禮與信待之彼若於原約外再求進步以相嘗試則當折以正論總不輕許至法與日則且觀後此之情形何如總之我既奮發自強未必遽敢敵約仍請 密飭出使各國諸臣將該國國勢盛衰山川險易風俗美惡政治得失民心向背及造船鑄砲製器械設軍需本銀若干暗訪明諮其各處日報則頓取要略譯以華文除奏報外仍刻記成書使歸彙總總理衙門久之不難盡得其要領矣

一曰添公使現在通商諸國既各派使臣駐之然華人之經商儲力寄寓外洋者計呂宋噶羅巴一島約十萬人越南之西貢河仙及暹羅等處約三十萬人古巴秘魯各十餘萬人均建有會館設有董事其人奉 本朝正朔用 本朝衣冠每人歲納稅銀一二元以助地方經費而洋人因其勢孤路遠輒肆凌欺殊可憫也從前閩中船政局揚武兵船

游歷東洋客居呂宋之華民鼓舞歡呼至於泣下謂百年未有之光榮處如此他處可知應請 飭議華民寄居之地人多者設公使少者設領事遇有凌欺等事照會該處有司遵公法以判是非倘華人有滋事者亦照例懲辦商庶安生理俾免推殘更宜就地取才令其團練壯丁協同操演擇其優者咨請總理衙門給以頂戴獎以銀牌則人爭自奮更有無形之益矣公使領事經費即將華人所納身稅撥歸應用如商款欲稟請中國兵船巡駐各埠以護商船其兵船經費亦由華商公派兵輪往來鎮衛或一年或半年更調他船藉資游練如此則船廠有養船之費海疆有戰守之資中外有聲勢之援商旅有利益之賴一舉而數善備矣 以上籌餉籌防二條頗採時論亦酌參西法其要總在得人自古有治法無治人故曰人存則政舉人以忠信廉恥為本聰明才辨者佐之得人則以上各條皆可次第舉行先收富強之效二十年後則以罷傳教禁吸烟二條為歸宿蓋必二者除天下乃可久安而長治也今之談治務者在負氣之徒多深惡異族以為不足道然不求禦之制之方而但惡而擯之於事何益若遂侈陳而推服之抑亦陋矣外國所重者利耳故止知以富強為事富強本為堯舜孔孟所不廢時其有本焉孔子言足食足兵必探源於民信其富庶也則以教為歸蓋子言天時地利必扼要於人和其辨利國也則以仁義為本此唐虞三代相傳之要道而我 聖朝厚澤深恩之所以維繫人心者也形而上者謂之道形而下者謂之器今之兩來西法者器耳道固不在是也道之要在正

人心端士習明吏治厚風俗而目前則必先自富強始正高日時款一知半解是否可備揀擇伏乞

白王上聖鑒

強鄰環伺疏

吳錫爵福成叔耘

奏為強鄰環伺世變方殷謹陳愚計略備

采擇恭摺仰祈

聖鑒事竊 博攷輿圖遐稽史籍知我

國家幅員之廣軼漢邁唐而超越於宋明數倍惟元代極盛之時差足比隆然元之塞外諸部不時自為分裂未若我

聖朝之一統無外控制得宜善形勢之雄治平之久人民之衆洵莫與京矣自泰西諸國航海東來始不過藉互市之名逐什一之利相狎既久寔有違言舉端之起僅在五十餘年以前謀臣議論不一忽和忽戰累次失利紛紜者逾二十年而元氣已大損矣厥後更定約章稍持和局外警之迭起環生者幾於無歲無之中外籌議不能以防海為兢兢地之險者扼之土之荒者闢之軍之闕者設之才之乏者練之械之精者購之藝之良者習之蓋幾經善臣碩輔內外合謀苦心經營者亦逾三十年中國聲威稍稍異於曠昔然瀕海之區迴環萬數千里布置

既已難周猶且艱於物力缺於人材限於時勢格於議論措施不過十之二三而狡
 寇窺逼之大勢又不僅在海而在陸矣臣竊按英俄三國歐法羅巴著名強國也
 其國都皆踞中國三四萬里彼知西洋大小諸邦競能自立難逞雄圖未肆西封
 遂勒東略英人初藉公司之力既曩食五印度未幾而沃野數萬里盡為所併遂
 與我之西藏為比鄰近且脅服阿富汗克什彌爾巴達克山什克南諸部為英
 屬國其大勢駸駸北嚮既越蔥嶺而與我之回疆相接南併緬甸而雲南之迤
 南迤西悉與毗連矣俄國自興安嶺以外東傳於海包我黑龍江全境暨外盟
 蒙古烏梁海諸部西鞅新疆諸城地勢尤為廣遠自咸豐年間來索蕪地而黑
 龍江全境以南烏蘇黑河以東勒界一談感地數千里至今西人動輒藉口謂為中
 國不重邊地之明證侵奪之謀無時或息俄人又於同治年間乘我內寇不靖稍以
 兵力吞滅浩罕布魯特哈薩克布哈爾諸回部自是俄境亦接回疆其地西我
 三陲回環殆不下二萬餘里法人自爭得越南旋脅取真臘一國歸其保護近又
 侵割暹羅湄江東岸之地疆圉愈廣氣勢自雄而兩廣雲南邊外益以多事由
 斯以觀東南兩面大海繞之其自東北以訖西南則三強國之境統之防於海者動虞
 諸國窺伺防於邊者日與三國周旋至於南洋諸島星羅棋布昔人所謂海外雜國東
 南際天地以萬數時候風潮朝貢者今已為英與荷蘭西班牙三國之外府竟無一島

能自存者此殆宇宙之奇變古今之創局也然尤有可莫者曰彼雖盛於一時終
 將衰於異日臣觀西洋大國圖治之原頗有條理英俄法皆創國數百年或近
 千年炎炎之勢不始今日今其制勝之術屢變益精舟車則變而火輪矣音
 信則變而電傳矣檢礮則變而後膛矣戰艦則變而鐵甲矣水雷則變而魚雷
 矣火礮則變而無烟矣窺敵則變而用氣球矣照夜則變而用電鏜矣專家之
 學互殫智力往往能制馭水火呼吸風霆新藝迭出殆無窮期其恃強逞威之具
 既如此然尤有可慮者曰彼既與我和好未必遽蓄狡謀顧國必自強而後和可
 恃夫制敵而不制於敵者矣莫如鐵路英之鐵路一已抵西藏近邊之大吉嶺一已
 遠雲南近邊之新街俄之鐵路將由塔什干而趨浩罕近復經營西伯利亞鐵路
 東聯暹羅春海參崴法開鐵路以通商貨已由河內直接諒山而我無足以應之俄
 人移我界牌脅我部屬之事時有所聞邇來帕米爾一役終不脫占地故習英人
 力爭野人山也印度各官志在分據險要侵逼滇疆臣因滇緬分界知其隱衷法
 人注意滇南諸土司已見端倪彼既撤我藩籬稍久必窺堂奧其貪得無
 厭之情又如此蓋事變如此之棘時局如此之艱皆肇端於此數十年內夫自
 開關以來神聖之所締造文物之所彌綸莫如中國一旦歐洲強國四面環逼
 此策越義軒之所不及料堯舜周孔之所不及防也今欲以柔道應之則

啓侮而意有難廢以剛道應之則名譽而力有難支以舊法應之則違時而勢有所窮以新法應之則異地而俗有所隔交涉之事日繁一應付之機日難一日誠不知何所底止矣惟是通變方能持久因時所以制宜伊古盛時或多難以保邦或殷夏而啟聖臣愚以為

皇上值亘古未有之奇局亦宜恢亘古未有之宏謀夫英國地多而勢散俄國土曠而人稀法國政煩而民困彼有所長亦有所短我有所短亦有所長誠能去所短而集所長自可用所長而棄所短未得其術則難者益難苟握其要則難者亦易臣謹擇其約而易行者請為

聖主陳其大略一曰勵人才所謂才者何也時方無事則以黼黻昇平為貴時方多事則以宏濟艱難為先夫道德之蘊忠孝之懷詩書之味此其體也而論致用於今日則必求洞達時勢之英才研精器數之通才練習水陸之將才聯絡中外之譯才體用兼該上也體少用多次也當風氣初開之際必有妙術以鼓舞之則人自濯磨矣迨豪華競進之時必擇異能而倚任之則事無叢脞矣羣才之振奮黜運於

九重之精神勸之有具斯培之有本斯用之不窮至於多設學堂隨地教人多選國子生出洋肄業亦皆儲才之要端也一曰整武備歐洲諸邦以

戰立國者二千年凡事皆有專門名家故中國練軍不能不參仿西法海軍取法於英陸軍取法於德已稍著成效矣顧北洋而外推行未廣尚不足建威銷萌且論今日海軍不在驟拓規模而在簡覈名實不在濶添船廠而在增練材藝俟其成效足與西軍相頡頏再援昔日化一為三之議擴充分布則海疆自可無虞至各省綠營疲窳特其前督撫臣曾國藩胡林翼已早言之似宜先就臨邊之地與英俄相近者稍稍變綠營為練軍因其舊餉給以新式火器而以西法部勒之斬除廢弛拘牽之習免為西人所笑侮又查有可屯墾之地不妨酌置練軍或仿漠河金礦之例許公司集股開礦練軍自護隨時操練以備調用似亦兩得之道也一曰濬利源泰西諸國競籌藏富於民之法然後自治自強措之裕如即臣所謂養才練兵亦非帑項充盈不可蓋生財大端在振興商務商務以暢銷土貨為要欲運土貨以創築鐵路為始基今者

國家既籌的款營造山海關鐵路以期漸達於東三省此固護邊至計也然地勢稍偏土貨不旺尚需歲貼養路巨費恐非持久之局今欲使此路廣引商貨化貧為富似非通內地鐵路不為功內地鐵路仍宜查照湖廣督臣張之洞原議分年籌費由漢口開路以抵蘆溝橋而達山海關則秦隴楚蜀晉

豫之士貨日出日多轉輸益遠商利自饒必有自集公司依幹路以築枝路者不必官為籌款設假六通四關富庶之機蒸蒸日上不僅有事時徵兵運餉為便矣臣又嘗閱光緒初年各關貿易總冊洋貨入口與土貨出口厥價略足相抵年近洋貨驟贏土貨驟絀中國歲耗銀至三四千萬兩則以洋布洋紗暢銷故也蓋其為物出自機器潔白勻細工省價廉華民皆樂購用而中國之織婦機女束手坐困者奚啻千百萬人今上海武昌皆已購機設廠織布紡紗天津亦有紡紗之議試宜推之各省及各郡縣官為設法提倡廣招殷商設立公司優免稅釐俾資鼓勵收回利權莫切於此其他養蠶繅絲之法植茶焙葉之方練鐵開煤之學一一購求整頓豈非利用厚生之政探本握要之圖乎一日重使職昔漢武帝詔舉茂才異等可為將相及使絕國者西洋諸國或以宰相及外部大臣出為全權公使或以資深望重之總督出為全權公使其視使職與將相並重大抵相臣獲內政使臣襄外務外與內相表裏也將臣尚武力使臣尚文辭辯與力相補救也有百年安邊之計定於三寸舌者富強之使契丹是也有一介行李之馳賢於十萬兵者陸賈之使南粵是也方今英俄德法美數大國各挾勝勢以相陵相伺其事體又與古迥異彼與我立約通商定界動輒有大利害倚仗乎

其中臣嘗謂國勢之振興不盡恃戰勝攻取但能於交涉數大端措注合手機宜張自有明效夫總理衙門所恃為耳目為手足為心膂者莫如使臣中國古多卓犖之士然今尚稍踈其選者不講之於豫也西洋久著強盛之績然今尚不竭於用者能練之以漸也伏願樹之準繩明示激勵則風聲一播足以奔走天下俾人人以經濟為先資以遠謨為急務上之所重下亦重之下之所重效自隨之亦在聖意之專注而已以上四端類皆勞臣之所經畫

聖王之所施行臣不過稍請變而通之擴而大之用力既專收效自倍庶冀舒外患而固邦本大抵英人堅韌俄人強法法人蠻橫而探其狡然之謀則各造乎其極殊令我

有應接不暇之苦然論我國固有之權力苟善用之未嘗不為彼所深憚誠使經理日宏賢能日奮必善審三國之變而備之可也即徐待三國之衰而制之亦可也倘因循而不早為計則敵已迫矣患已深矣儻焉不可終日矣詩曰心之憂矣如疾首

僮奉使四國稍睹外洋情勢輒敢貢其奉奉之愚不勝戰慄傍徨之至所有強鄰環伺慶方嚴謹行愚計緣由理合恭摺密陳伏乞

皇上聖鑒訓示謹

劾使臣辱命疏

為要盟不可曲從樂侮宜早籌計謹熟權利害披歷上陳仰祈

南皮張之洞孝達 聖鑒事竊臣近閱

輝抄因俄國定約使臣辱命奉有廷臣集議之旨所有條約傳聞大概臣竊不勝憤懣謹將此約從違利害縷晰為
 皇太后 皇上陳之新約十八條地姑勿論其謬妄者如陸路通商由嘉峪關西安漢中直達漢口秦隴要害則楚上游盡為所據馬頭所在支蔓日盛消息皆通邊圉難防堂奧已失不可許者一東三省 國家根本伯都納吉林清華若許其乘船至此即與東三省全省任其游行無異陪京密通肩背單寒是於綏芬河之西無故自感地二千里且內河行舟乃各國歷年所求而不得者一許俄人效尤踵至不可許者二 朝廷不爭稅課當恤商民若準回兩部蒙古各盟一任俄人貿易概免納稅華商日困猶未也以積弱苦貧之蒙古徒供俄人盤剝以新疆鉅萬之軍餉徒為俄委輸且張家口等處內地開設行棧以後逐漸推廣設廠戎心萬里之內首尾銜接不可許者三中國藩屏全在內外蒙古沙漠萬里天所以限夷狄俄人即欲犯邊迤北一面總費周折如蒙古台站供其役使彼更將重利以啗蒙古一旦有事音信易通必撤藩屏為彼先導不可許者四條均所載俄人准建十三十六延袤廣大無事而商往則譏不勝譏有事而兵來則禦不勝禦不可許者五各國商賈從無許帶軍器之例今無故聲明人帶一鎗其意何居若有千百為群闖然徑入是兵是商誰能辨之不可許者六俄人商稅種種取功如各國希冀均需洋關稅課必然歲絀數百萬不可許者七同治三年新疆已經議定之界又欲內侵斷我八城之路新疆刑勢

北路荒涼南城富庶爭碗瘡膏腴務虛名受實禍不可許者八伊犁達爾布巴哈臺科布多烏里鴉蘇臺喀喇噶喇烏魯木齊古城吐魯番哈密嘉峪關等處准設領事官是西域全疆盡歸控制有洋官有洋商有洋商斯有洋兵初則奪我勢權繼則反客為主馴至彼有官而我無官彼有兵而我無兵且各國通例唯沿海准設外邦領事若烏里雅蘇臺科布多烏魯木齊古城哈密嘉峪關乃我境內今日俄人作俑設各國援例將十八省腹地均布洋官不可許者九名還伊犁而三省山嶺內卡倫以外盤路如故據高臨下險要失矣割霍爾果斯河以西格爾海島以北屯墾無區游牧無所地利盡矣金頂寺久為俄人市廛現與約定俄人立產業不更交還是伊犁一線東來之道必穿俄巢出路絕矣寒寥遺黎彼必盡遷以往人民空矣擲二百八十萬有用之財索一無險阻無地利無出路無人民之伊穆將焉用之不可許者十俄人索之可謂至矣至極崇厚許之可謂至謬至愚 皇太后 皇上赫然震怒遣使臣下廷議可謂至明至斷上自樞臣總署王大臣以至百司庶官人人皆知其不可所以不敢言改議者誠懼一經變約或召釁端然臣以為不足懼也必改此議不能無事不改此議不可為國請言改議之道其要有四一日計決二日氣盛三日理長四日謀定何謂計決無理之約使臣許之 朝廷未嘗許之崇厚誤國媚敵擅許擅歸國人皆曰可殺者也伏望聖文刑部明正典刑治使臣之罪則可杜俄人之口按之萬國公法既有不准違訓越權之例復有臣執全權可否仍在 朝廷之條正與崇厚不遵密函不請 諭旨之罪相合者英之案成憲昭然故立誅崇厚則計決何謂氣盛俄人欺我使臣軟懦逼脅盡押施一憤百意猶未覺不料俄羅斯颯然大國乃至出此不特中國憤怒即環

海萬國亦必不直其所為至俄使不待定約聲明歸國外洋亦無此例况凱湯德係署理公使豈能徑歸其為
 詞喝無疑而情刑顯然儘可聽其去留不必過問莫如明降 諭旨將俄人不公平臣民公議不願之故布告
 中外行文各國平其曲直兼屬各國將我 國家情理兼盡之處刊新聞紙明 諭邊臣整備以待據眾怒
 難犯之情孰萬不可從之志俄國雖大自與土耳其苦戰以來師老財竭臣離民怨近聞其國君有防人行刺
 之舉若更踰盟犯順圖遠勞民必且有蕭牆之禍行將自斃焉能及人故明諭示中外則氣盛何謂理長
 種種要挾皆由伊犁而起若盡如新約所得者伊犁二字之虛名所實者新疆二萬里之實際而每年尚
 須耗五百萬納需以供邊師防軍建城開屯之用是有新疆當不如無新疆也索伊犁而盡拂其請則曲在
 我置伊犁而仍肆責言則曲在彼况使臣畫押未奉 御批示覆一如載書未歛豈足為憑俄人理屈詞
 窮焉能生豐故緩伊犁則理長何謂謀定俄人而講信義兵可以不開若俄人必欲背公法棄和好設
 防之處大約三路一新疆一吉林一天津左宗棠席屢勝之威兵力素強全順劉錦棠錫綸張曜亦皆
 戰將以靜待動俄人必敗退其歸路則彼將隻輪不返若出吉林邊地遼曼林谷叢集其地去俄二萬
 餘里懸軍深入饋餉維艱不能用眾 特簡兼資文武之將帥畀以重權資以鉅餉分南北洋海防之
 處為經畧東三省之資 命左宗棠全順選撥精練東三省知兵之將官數人連來聽明招集索綸聯津
 打牲之眾教練成軍其人素性雄勇習與俄聞定能制勝即小有挫衄堅守數月必委而去天津一路迫
 近 神京然俄國兵船扼於英法公例向不能出地中海即強以商船載兵而來亦非若西洋有鐵甲
 等船者比李鴻章高動重寄歲糜數百萬金錢以製機器而養淮軍正為今日若并不能一戰安

用重臣伏請 嚴飭李鴻章論以計無中變責無旁貸及早選將練兵仿照法國新式增建炮臺戰
 而勝酬以公侯之賞不勝則加以不測之罪設使以贖伊犁之二百八十萬金雇募西洋勁卒亦必
 能為我用俄人蠶食四疆吞併浩罕意在拊印度之背不特我之患亦英之憂也李鴻章若以開悟
 英使輔車唇齒當與同仇近來之立功宿將如彭玉麟楊岳斌鮑超劉銘傳姜慶岑毓英鄧松林喜
 昌彭楚漢鄧英昌曹克忠李雲麟陳國瑞等或回籍或在任酌量 宣召來京令其詳議籌策分駐
 京通津站及東三省以備不虞山有猛虎建威銷萌故修武備則謀定 臣非敢迂論高談以大局為孤注
 惟深觀事變日益艱難西洋挽我權政東洋思啟封疆今俄人又故挑釁端若更思之讓之從此各國
 相逼而來至於思無可忍讓無可讓又將奈何無論我之禦俄本有勝理即或疆場之役利鈍無常 臣料俄人
 雖有戰不能薄寡古塔終不至掣動全局曠日持久頓兵乏食其勢自窮何畏之有然則及今一決乃
 中國弱強之機尤人才消長之會此時猛將謀臣足可一戰若再閱數年左宗棠雖在而已衰李鴻章未衰
 而將老精銳漸盡欲戰不能而俄人行將城於東屯於西行棧於北縱橫窟穴於口內外通衢逼脅朝鮮不
 以今日得之於藩籬而他日聞之於庭戶悔何及乎要之武備者改議備不改議亦宜備伊犁者改議
 宜緩不改議亦宜緩崇厚者改議宜誅不改議亦宜誅此中外羣臣之公議非臣一人之私見輔謀在
 疆臣作氣在百僚據理立辨在總理衙門而次計獨斷始終堅持則在我 皇太后 皇上事關
 宗社大計坐視不能緘默不敢仰懇將 此疏一併發交廷臣會議不勝憂憤之至迫切之至伏乞
 皇太后 皇上聖鑒謹奏

劾大臣玩寇疏

翰林潘炳年聯名

為大臣玩寇棄師債軍辱國明謀罔上怯戰潛逃請上查辦以伸國法以服人心

恭摺仰祈 聖鑒事 臣等於馬江敗後迭接閩信具言張佩綸何如璋聞警逃竄竊以挫敗

情形眾目昭著 明見萬里諒諸臣不敢再有捏飾是以未敢率行 上聞茲恭讀八月初

一日 諭旨方總該大臣前後奏報種種虛捏功罪顛倒亦謬支離與臣等所接閩信判若天

涯不得不為我 皇太后 皇上披瀝陳之初一日法人遞戰書於揚武官駕張誠張誠達之何

如璋秘不發初二日各國領事商人下船眾知必戰入請戒備張佩綸斥之出軍火新不發嗣洋教習法入

邁達普學童魏瀚畏張佩倫之暴不敢白初三日之官晨見法船升火起旋始馳告而法人已照會未刻開戰張

佩倫佈遣魏瀚向孤拔乞援以語朝相請比登敵舟而炮已發我船猶未起彼裝藥敵發巨炮七福生張威福勝建

勝殊死戰船相擊碎餘船放火自焚是夜燬輪船九龍禮師船十餘小船無數伏波藝新二艘逃回自慶沉林

浦陸勇盡潰而法船僅沉魚雷一此初三大敗之情形也張佩綸何如璋甫聞炮聲即從船局後山潛遁是日大

雷雨張佩綸跳而奔途仆親兵曳之行抵鼓山麓鄉人拒不納匿禪寺之下院距船廠二十餘里次日奔鼓山

麓之彭田鄉適有 廷寄到督撫覓張佩綸不得遣弁四探報者償錢一千遂得之何如璋奔快安施氏祠

鄉人焚祠逐之寅夜投洋行宿晨入城樓兩廣會館市人又逐之復踉蹌出就張佩綸恐眾踪蹟及之給

何如璋回廠自駐彭田累日偵知敵出攻長門將謀竄出始回此張佩綸何如璋狼狽之情形也何璋張

兆棟平日狃於和議於海防毫無布置司沈葆楨尤以戰事為非凡屬防餉輒拒不發款兵無主帥

餉無專責議者固知閩師之必敗所恃為長城而無恐者以張佩綸平日侈談兵事際此中外戰局伊始臨

事自當確有把握及閱閩信陳其種種謬戾情形則喪師辱國之罪張佩綸實為魁首而何如璋次之何

以言之 朝廷以督撫不知兵 簡張佩綸及劉傳銘劉傳銘往度台則封煤履揮法人張佩綸出都即

聞其言頗快之到閩後一味驕倨督撫畏其氣敵事之難謹排日上謁直如衙參竟未籌及防務至法船

駛入馬尾倉卒入告張得勝緝引港奸民請辨張佩綸竟置不理眾益駭然而張佩綸尚侈然自大漫不

驚心水陸各軍紛紛號召迨各將請戰又以 朝旨禁勿先發為諭等不知各口要擊之諭何日電發

不應初三以前尚未到閩即使未到而 諭旨禁其先發非並輪船起被管軍火而亦禁之也一概

不允眾有以知張佩綸之心矣身為將帥足未嘗登輪船聚十一艘於馬江環以自衛各輪船管駕連查

艦之非張佩綸片之入白開戰之信張佩綸又斥之事急而乞援緩師於表如國體何開炮而先狂竄如軍

令何中岐在馬尾彭田乃鼓山後麓張佩綸自諱其走欲混為一地勢何敵舟攻馬尾張佩綸於是日始竄

至彭田而冒稱力守船廠如不能掩聞人耳目且何如璋實匪戰書張佩綸素與之同處知耶不知

耶等不能為張佩綸解也 臣聞張佩綸敗匿彭田以請旨建罪為詞實則置身事外証以外間風聞張佩

綸特與其黨援之人私函電致有閩船可燬閩廠可燬豐潤學士必不可死之語是則張佩綸早存一不

之心無怪乎調度乖謬於先聞戰逃脫於後竟敢肆無忌憚至此也何如璋實督船政且夕謀遁奔廠

擅走已有罪矣而謀匿戰書竟有巨測復於六月一日將船政存錢式十六萬兩藉名採買私行兌粵不

告支應所紳員而私交其昌匯豐各洋行群議其盜國帑言非無因張佩綸素以博為名何如璋荒謬

此沿海招軍或投營仍當弁勇或歸農商一日括之北征難以福之恩信一有不可強者以南人
赴北先難受北地風霜若照各省行糧發給則各人皆願在鄉并充當誰首離鄉背井遠道
從戎今福再四壽思惟有照楚軍成例酌加五成俾各人踴躍入伍易於成軍迅速北上滅此小醜

又有慮者福與北省大吏素未往來亦無私意一旦銜
命北征糧餉軍火在在均關緊要設使稍有貽誤福則一軀不足惜如大局何福以後奏報軍
情均用電達設有遲延則害不淺可否仰懇

天恩將福交與北洋大臣節制此後糧餉軍火皆有專責一切軍情速電該大臣衙門俾得易
於專達不至阻隔乞將下情代一轉奏請

旨遵行 福現南由被北在省會臺北府候
諭合併聲明 劉永福叩

此日時事不可問矣今讀淵亭此書五中輒痛誰東國鈞階之為禍莫謂天下無
才蓋有才亦不能用也不禁浩然長歎向使淵亭亦有媚子諧臣之骨以逢合當
道則亦可柄用於天下然用亦第使之使為葉志超一流人物耳為淵亭惜轉為
淵亭幸願與天下共評之 曾陽生記

